



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De S. Raymundo Abbate, & Sanctio Rege, fundatoribus Militum Ord. Calatrauæ. cap. LXXV.

urn:nbn:de:hbz:466:1-38372

etas (vulgo Disperfas dictas) regno conquisiuit; & Septam Africa Ciuitatem, Mauris ademptam, Portugallis dedit. Fato concessit anno Domini 1433. regni sui 50. *Genealogia Regum Lusitaniae, & Caesar Campana de eisdem.*

Sanctus Frater Ferdinandus, Fratris Ioannis, praefati Portugalliae Regis filius, ab incunte aetate Ordinem Militum Auifiorum ingressus, patre ad regnum assumpto, Militiae Magister factus est anno Domini 1385. Demum bello Saracenicis captus, apud hostes in vinculis ea vixit patientia, vt molae qua uiuere cogebatur cum famulo per se satis sufficiente, suas partes obiret: ob quam vitae abstinentiam, & crebra quae ad eius sepulchrum fiebant miracula, Diuorum albo est adscriptus. Obijt anno 1443. die 17. mensis Iunii, & in caenobio Batallae sepultus est. *F. Stephanus Lusignanus corona 4. cap. 7. & alij nonnulli.*

Frater Georgius, Ioannis II. Lusitaniae Regis filius, Dux Coimbræ, & Turris nouae Marchio, miles, & Magnus Magister Equitum Auifiorum a prima aetate factus, claruit maximè anno Domini 1490. *Genealogia, & Caesar Campana supracitati.*

De S. Raymundo Abbate, & Sanctio Rege, fundatoribus Militum Ordinis Calatrauae. Cap. LXXV.



NON absimile principium Militibus Calatrauensibus, Sanctio Desiderato Castellae, & Ferdinando Legionis & Galliciae, Regibus, fuit. Calatraua enim oppidum loco munito in Oretonis ad Anam flumen situm, quo tempore ereptum est a Mauris, Templarijs militibus, ut arcis instar esset ad Barbarorum impetus repellendos, commendatum est: ij, Mauris ad castrum obsidendum magno numero aduentantibus, defensionis spe abiecta, Sancium Regem conuenientes arcem cum oppido reddiderunt. Inter nobiles deinde inuentus est nemo, quamuis a Rege ea de re interpellati, qui suo periculo arcem custodiendam susciperet. Contigit, idque non sine uoluntate diuina, ut duo Cistercienses Monachi, quibusdam alijs negotijs impediti, eo tempore Toleti de morarentur, Raymundus Fiterij ad Pisoricam Abbas (errant qui hanc laudem ad Fiterij caenobium allegant, quod in Vasconibus non procul Tudela situm est, cum constet consequenti tempore fuisse exstructum) atque eius socius Dieghus Velasquius, is uerus antea
Alphonfi

Alphonſi Imperatoris miles, multisque bellicis operibus clarus, rerum deinde humanarum contemptu monachum induerat, & ut erat magno animo, monendo, suadendo, hortandoque cunctantem, effecit ut oppidi defendendi curam in se Abbas ſuſciperet. Conſilium ſpecie temerarium erat, re Dei afflatu conceptum, nam contra tantas difficultates ratione ſatis prouid. poterat. Ea res Regibus Sancio, & Ferdinando primum gratum fuit, deinde Ioāni Præſuli Toletano, in cuius ditione Calatraua ſita eſt, qui pecuniā de ſuo ſuppeditauit, & ſuis exhortationibus effecit, ut tam nobiles, quam populares, Abbate ductore discrimini ſeſe offerrent, ne in tanto periculo religionem Chriſtianam deſerere uiderentur. Itaque cum tanti apparatus rumor percrebuiſſet, Mauri ſpe ſua deiecti Calatrauam non uenerunt. Id felix, fauſtumque & bene ominatum initium eius militiæ fuit anno 1157. Donatus deinde Abbas, Calatrauæ principatu, cum ſubiecto ſibi agro a Regibus præſatis, plerique milites eum ſecuti veſtem mutarunt, quam ille talem attribuit, eiusque formæ, quæ armorum uſum non impediret. Raymundus deinde uita feliciter tranſacta, obiit ad oppidum Ciruelos, ubi & ſepultus eſt, & in Cœleſtium numero repositus. Dieghus etiam Velſquiſ ad multos annos uita producta, Gumielæ, in Monasterio Diui Petri obiit, ibique ſepultus eſt non ſine ſanctitatis opinione. Ab his initijs ſacram Calatrauæ militiam in hunc quem cernimus ſplendorem perductam, ſub P.N. Benedicte Regula, & Ciſtertienſi habitu candido, Alexander Papa III. anno 1164. ſuo diplomate confirmauit: Innocentius Papa III. anno 1199. ratificauit, & priuilegijs auxit: & ut, ſemel tantum, uxores ducere poſſint, Paulus Papa III. anno 1540. ſua benignitate indulſit. Crucem rubram in candido amictu, Benedictus XIII. qui Pontificias uices agere ſe putabat, ſua auctoritate adiunxit, idque factum anno Domini 1396.

A N N O T A T I O.

Volaterranus lib. 21. Antropologia, & Bugianus noſter, nonnullique alij, qui forſitan ab his, tanquam fontibus, id hauſerunt, putant, imo & in ſcriptis ſuis reliquerunt, Calatrauenses Milites Nigro ueſtiri colore; quæ eorum opinio, non ſic accipienda eſt, ut putemus habitum Religionis Militum Calatrauensium, id eſt Cucullum, nigrum fore, ſed intelligenda uenit de habitu exteriori quotidiano, quando Cucullo non utitur, qui ita eis proprius eſt, ut etiam in eorum Comitibus Generalibus lege ſancitum ſit, ut nullus illius Religionis Miles, cuiuſcumque dignitatis, uel ætatis ſit, aliquo alio colore poſſit ueſtiri.

Do-

Domicilium Calatrae primo collocatum est, Ciruelos deinde, Buxedam mox, Corcolem deinceps, & Saluaterram migravit. Coenos ad extremum Nunnio Fernado duodecimo eius militie Magistro.

Magistri Generales Ordinis Militum de Calatra.

Cap. LX XVI.

- 1 **D**ON Garfias, primus Magister, creatus anno Domini 1164.
- 2 Martinus Perefus, Sionius, Magister II. creatus anno 1172.
- 3 Nunnus Perefus, Quignonius, creatus anno 1183.
- 4 Martinus II. Martinus, creatus anno 1212.
- 5 Garfias II. Martinus.
- 6 Ferdinandus Scaza.
- 7 Rodericus Gonsaluus.
- 8 Gonsaluus Lopezius.
- 9 Rodericus II. Deazius de Yanguas.
- 10 Rodericus III. Garfias.
- 11 Didacus, siue Dieghus, Garfias.
- 12 Nunnus II. Fernandus.
- 13 Martinus III. Rodericus.
- 14 Martinus III. Ruyzius.
- 15 Gonsaluus II. Ioannes, siue Ioannes Gonsaluus.
- 16 Martinus V. Fernandus.
- 17 Ferdinandus II. Perezus.
- 18 Ferdinandus III. Ordonius.
- 19 Petrus Ioannes.
- 20 Petrus II. Yuannes.
- 21 Ioannes Gonsaluus, dictus Brauus.
- 22 Rodericus III. siue Ruy, Perefus, Poncius.
- 23 Rodericus V.
- 24 Garfias III. Lopezius de Padilla: depositus anno 1302. sed postea restitutus sponte abdicauit anno 1329. Sub isto Ordo Montefrae Ordini Calatraensi supponitur anno 1316.
- 25 Alemanus, depositus est, anno 1324. vel circa.
- 26 Ioannes II. Nunnus de Prato, creatus anno 1329.

SCHIS-